



“*Prietnje brojnim suspenzijama koje su se čule nakon nepostizanja dogovora domaćih političkih elita na razgovorima u Briselu najgore će se odraziti na građane BiH*”

 0  0 Tekst: A A A**Vesna Malenica**

## Prietnje brojnim suspenzijama najgore će se odraziti na građane BiH

Objavljeno 29.10.2013 u 10:08

Prietnje brojnim suspenzijama koje su se čule nakon nepostizanja dogovora domaćih političkih elita na razgovorima u Briselu najgore će se odraziti na građane BiH, ocijenila je u izjavi Feni analitičarka istraživačkog centra Populari **Vesna Malenica**.

Zamoljena za komentar o mogućim posljedicama po građane BiH ukoliko politički lideri ne postignu dogovor o pitanjima koja blokiraju evropski put BiH, prije svega implementacija presude Evropskog

suda za ljudska prava u predmetu "Sejdić-Finci" i uspostava mehanizma koordinacije, Malenica je ukazala i na činjenicu da građani ne posjeduju mehanizme kojima bi "natjerali" političke elite u BiH da postignu dogovor.

"Svjedoci smo da je praktično govoreći BiH već godinama blokirana na svom evropskom putu. Građani ne osjete praktične koristi od ovog evropskog procesa te se samim tim ne mogu s njim identificirati niti se osjetiti pozvanima da učestvuju u ovim raspravama. Govorimo o mogućim suspenzijama BiH iz Vijeća Evrope, zatim i ukidanju IPA sredstava, a realno bi bilo očekivati da bude preporuka i u smislu suspenzije Privremenog trgovinskog sporazuma između BiH i EU" - kazala je ona.

Naravno, dodala je, sve ove mjere pogubne su za BiH prvenstveno u smislu njenog imidža u svijetu, sposobnosti da privuče strane investitore, te da se predstavi kao demokratska zemlja sa zajedničkom i jasnom evropskom vizijom.

"Odgovornost za ovakvo stanje prvenstveno snose domaći političari, nesprenni na dogovor i nenavikli na donošenje nepopularnih odluka koje je umjesto njih od 1997. godine uglavnom donosio visoki predstavnik u BiH. Međutim, ne treba zanemariti ni odgovornost EU. Pred BiH su postavljeni uvjeti koje čak ni određene zemlje članice EU nisu u stanju ispuniti zbog kompleksnih političkih i administrativnih struktura" - navela je Malenica.

Ocijenila je i da EU nije učinila ništa da osnaži građane u ovom procesu, da ih uključi u rasprave o ovim pitanjima.

"To znači da EU nije ipak iscrpila sve mehanizme koji joj stoje na raspolaganju, a posezanje za suspenzijama i radikalnim mjerama pokazalo se kontraproduktivno u BiH" - zaključila je analitičarka istraživačkog centra Populari Vesna Malenica.

(Fena/MOJportal)

### Povezane vijesti

**Odgovor Sarajlije o bh. političarima**

'Ona četvorica izvode pizdarije jer smo

**Daniel Server**

Mnogi bh. političari se boje borbe protiv korupcije

**Milorad Dodik**

RS pokazala aktivan stav u rješavanju presude 'Sejdić...

**Tonino Picula**

Ukoliko ne bude dogovora, EU će primijeniti 'uvjerljivije...

**Peter Sorensen**

EU nema nikakav papir sa prijedlogom rješenja presude...

### Ostale vijesti

**Slučaj 'češka zbrojevka'**

Nastavak suđenja Budimiru zbog nezovoljenog držanja...

**Tužilaštvo 'češlja' dokumentaciju**

Ko je u FDS-u prao novac?

**Angažuju vanjske saradnike**

FTV i pored brojne radne snage i ogromnih dugova zapošljava...

**'Lonely Planet'**

Stari most na naslovnicu cijenjenog turističkog vodiča

**Majke Srebrenice i Žepe**

Sudije Ustavnog suda BiH nemaju moralno pravo biti...